

სატენდერო დოკუმენტაცია

საქართველოს ტექნიკური უნივერსიტეტი

ქ. თბილისი
2011 წელი

სარჩევი

I. ტექნიკური დოკუმენტაცია	3
II. საკვალიფიკაციო მოთხოვნები	4
III. ტექნიკური დავალება	5
IV. სახელმწიფო შესყიდვების შესახებ ხელშეკრულების პროექტი	6

I. პრეტენდენტის ტექნიკური დოკუმენტაცია

1. პრეტენდენტის მიერ წარმოდგენილი ტექნიკური დოკუმენტაცია უნდა შეიცავდეს შემდეგ დოკუმენტებსა და ინფორმაციას:

ა) ტექნიკური დოკუმენტაცია უნდა შეიცავდეს შესყიდვის ობიექტის განფასებას,
ბ) შესყიდვაში მონაწილის რეკვიზიტები: მისი სრული სახელწოდება, იურიდიული მისამართი, ტელეფონის ნომერი, საბანკო რეკვიზიტები, ხელმძღვანელ(ებ)ის სახელი და გვარი,

გ) პრეტენდენტის უფლებამოსილი პირის მიერ ხელმოწერილ დოკუმენტს სატენდერო წინადადების მოქმედების ვადის შესახებ. სატენდერო წინადადება ძალაში უნდა იყოს მისი სისტემაში ატვირთვიდან არანაკლებ 30 კალენდარული დღის განმავლობაში,

2. პრეტენდენტს არ აქვს უფლება წარმოადგინოს ალტერნატიული სატენდერო წინადადება.

ტენდერის შესახებ დამატებითი ინფორმაცია შეგიძლიათ მიიღოთ შემდეგი საკონტაქტო პირისგან: სატენდერო კომისიის აპარატის წევრი: ეკა ივანიშვილი – ტელ: 2-364-368.

II. საკვალიფიკაციო მოთხოვნები:

1. პროტენდენტმა უნდა წარმოადგინოს შემდეგი დოკუმენტები:

იურიდიული პირებისათვის:

- ამონაწერი სამეწარმეო რეესტრიდან;

ფიზიკური პირებისათვის:

- პირადობის დამადასტურებელი დოკუმენტის ასლი

2. ადმინისტრაციული ორგანოდან წარმოსადგენი საკვალიფიკაციო მონაცემის დამადასტურებელი დოკუმენტი გაცემული უნდა იყოს ტენდერისათვის „ტენდერი გამოცხადებულია“ სტატუსის მინიჭების შემდეგ, ხოლო არარეზიდენტი პროტენდენტის შემთხვევაში-ტენდერისათვის „ტენდერი გამოცხადებულია“ სტატუსის მინიჭებამდე არა უგვიანეს ოცდაათი დღისა.

3. ადმინისტრაციული ორგანოდან წარმოსადგენ საკვალიფიკაციო მოთხოვნებით გათვალისწინებულ დოკუმენტს წარმოადგენს მხოლოდ გამარჯვებული პროტენდენტი, სისტემის გამოყენების გარეშე ან სისტემის მეშვეობით, საქართველოს კანონმდებლობით დადგენილი წესით. პროტენდენტის მიერ საკვალიფიკაციო მონაცემების წარმოდგენლობის ან/და ხარვეზის მქონე მონაცემების წარმოდგენის შემთხვევაში, სატენდერო კომისია მოახდენს პროტენდენტის დისკვალიფიკაციას.

4. არარეზიდენტმა პროტენდენტებმა უნდა წარმოადგინონ თავიანთი ქვეყნის შესაბამისი უფლებამოსილი ორგანოების მიერ გაცემული საკვალიფიკაციო მონაცემის დამადასტურებელი დოკუმენტი, რომელსაც თან უნდა დაერთოს ნოტარიულად დამოწმებული თარგმანი ქართულ ენაზე.

III. ტექნიკური დავალება

1. შესყიდვის ობიექტს წარმოადგენს „მონაცემთა ბაზისა და ოპერაციული პროგრამული პაკეტების“ (CPV48600000) შესყიდვა.

№	დასახელება		რაოდენობა
1	Windows Multipoint Server with, ინსტალაციით	WinMultiPointSvrPrem SNGL LicSAPK OLP NL Acdmc	6
2	Multipoint Cal with SA, ინსტალაციით	WinMultiPointSvrCAL SNGL LicSAPk OLP NL Acdmc DvcCAL	42

2. შესყიდვის ობიექტის მიწოდების სავალდებულო ვადა - სახელმწიფო შესყიდვის შესახებ ხელშეკრულების გაფორმებიდან 7 კალენდარული დღე.

3. მიწოდების ადგილი: ქ. თბილისი, კოსტავას ქ. №77. ფასი უნდა იყოს საბოლოო, ითვალისწინებდეს საქონლის მოწოდებასთან დაკავშირებულ მიმწოდებლის ყველა ხარჯებს და საქართველოს კანონმდებლობით დადგენილ ყველა გადასახადს.

4. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ეროვნულ ვალუტაში.

5. ანგარიშსწორება მოხდება შესყიდვის ობიექტის მოწოდების შემდეგ, მიღება-ჩაბარების აქტის გაფორმებიდან 20 კალენდარული დღის განმავლობაში, უნაღდო ანგარიშსწორებით ეროვნულ ვალუტაში. წინასწარი ანგარიშსწორება არ გამოიყენება.

6. გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

7. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

IV. ხელშეკრულება სახელმწიფო შესყიდვის შესახებ
(პროექტი) №

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც განუყოფელი ნაწილი.

ქ. თბილისი

----- 2011 წელი

ერთის მხრივ – საქართველოს ტექნიკური უნივერსიტეტი (მისამართი: ქ. თბილისი, მ.კოსტავას ქ.№77) წარმოდგენილი ადმინისტრაციის ხელმძღვანელის ქ. ქოქრაშვილის სახით („შემსყიდველი“), და მეორეს მხრივ – ----- (მისამართი:-----) მისი დირექტორის ----- სახით („მიმწოდებელი“), ადასტურებენ, რომ მათ შორის მიღწეულია შეთანხმება შემდეგზე:

1. ხელშეკრულების ობიექტი

1.1. ხელშეკრულების ობიექტს წარმოადგენს „მონაცემთა ბაზისა და ოპერაციული პროგრამული პაკეტების“ (CPV48600000) შესყიდვა.

1.2. შესყიდვის განხორციელების საშუალება – გამარტივებული ელექტრონული ტენდერი.

2. ხელშეკრულების ფასი

2.1. ხელშეკრულების ფასი შეადგენს: ----- ლარს.

2.2. ხელშეკრულების ფასი საბოლოოა და ითვალისწინებს მიმწოდებლის ყველა ხარჯებს, ასევე საქართველოს კანონმდებლობით დადგენილ ყველა გადასახადს.

3. ხელშეკრულების შესრულების კონტროლი

3.1. შემსყიდველი უფლებამოსილია განახორციელოს კონტროლი და ზედამხედველობა მიმწოდებლის მიერ ნაკისრი ვალდებულებების შესრულებაზე. ხელშეკრულებით ნაკისრი ვალდებულებების შესრულების ინსპექტირებას განახორციელებს შემსყიდველის მხრიდან შესაბამისად უფლებამოსილი პირი;

3.2. მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

4. საქონლის მოწოდების ვადა და ადგილი

4.1. საქონლის მოწოდების სავალდებულო ვადა - ხელშეკრულების გაფორმებიდან 7 კალენდარული დღე, მისამართზე ქ. თბილისი, კოსტავას 77.

5. ანგარიშსწორების ფორმა, ვადები და პირობები

5.1. მიმწოდებელთან ანგარიშსწორება განხორციელდება უნაღლო ანგარიშსწორების წესით ეროვნულ ვალუტაში;

5.2. ანგარიშსწორება განხორციელდება საქონლის მოწოდების შემდეგ, მხარეთა შორის შესაბამისი მიღება-ჩაბარების აქტის ხელმოწერიდან 20 კალენდარული დღის განმავლობაში.

6. უფლებების გადაცემა

6.1. მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობები.

7. ხელშეკრულების პირობების შეუსრულებლობა

7.1 ფორს-მაჟორული პირობების გარდა, ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა, – ყოველ გადაგადაცილებულ დღეზე ხელშეკრულების ღირებულების 0.1%-ის ოდენობით.

7.2 საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

8. ფორს-მაჟორი

8.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

8.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

8.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

9. დავების გადაწყვეტა

9.1. მხარეთა შორის სადაო საკითხი წედება მოლაპარაკების გზით. 30 დღის განმავლობაში შეთანხმების მიუღწევლობის შემთხვევაში საკითხი განიხილება საქართველოში მოქმედი კანონმდებლობის შესაბამისად.

10. ხელშეკრულების მოქმედების ვადა

10.1. წინამდებარე ხელშეკრულება ძალაში შედის ხელმოწერის დღიდან და მოქმედებს

11. სხვა პირობები

11.1. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი პირი მიმწოდებელთან და ერთი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

11.2. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

მხარეთა რეკვიზიტები:

შემსყიდველი:

მიმწოდებელი:
